

2 Zuwã

Zuwã hã maparane ãma te te duré ĩrob'ui'érézé, ĩsazei'wa norĩ ma Ĩbaihã wasu'uzé

Ã ĩbaihã na rob'ui'éré na Zuwã hã ma tô ĩsazei'wa norĩ hã ãma pawaptob za'ra, 're sisawi pese za'ra mono da, duré roti senai'õ hã te te 're wapari za'ra mono tõ da, daro mono bâ te te ĩropéi mono hã.

¹ Wa hã, Wanhib'apito zazei'wa norĩ 'madâ'â'wa, wa ãma aima rob'ui'éré za'ra wa'wa, tinhib'a'uwẽ da, 'Re ĩhâimana u'âsi mono te te 're ĩ'aipisutu za'ra wa'aba mono norĩ ma. Tame te asiré ĩsazei'wa norĩ hã asiré 're asirã'õtõ u'âsi aba mo. Pĩõ norĩ hã tĩ'ra te te 're ĩ'madâ'â pese za'ra mono ne, te 're asirã'madâ'â pese za'ra wa'aba mo, ĩsazei'wai mono bâ. Taha wa, simisutu ĩma asawi pese za'ra wa'aba di, tô sena. Tane nherẽ, ĩma si asawi za'ra wa'aba õ di. Uburé Zezusihĩ wasu'uwẽ hã te te ĩwaihũ'u pese za'ra norĩ ma zama, asawi za'ra wa'aba di duré. ² ĩwasu'uwẽ hã tô sena uptabi hã wasiré wa te 're 'madâ'â pese za'ra mono wa, wa wa te 're asawi pese za'ra wa'wa. Õne u'âsi te za ĩwasu'uwẽ hã wasiré 're hâimana u'âsi.

³ Wamama ma, wa 're ĩmreme u'âsi, 'Re ĩhâimana u'âsi mono ma, duré ĩ'ra Zezu Cristuhu ma zama, ĩsimizawizé hã wa'ãma 're hâimana u'âsi za'ra mono da, ta norĩ ãma si rowẽ u'âsi, ãma 're wanomro mono da. Wa'ãma 're siwãrĩ u'âsi zahuré mono da, wa duré tãma 're ĩmreme u'âsi zahuré. ãne te za te te wama 're apisutu zahuré, Wamama nhimiroti si

tô sena na wasiré wa te ãma 're ã'madâ'â pese za'ra mono norĩ ma, duré 're ãwasisawi pese za'ra mono norĩ ma zama.

Ãsazei'wa norĩ, tô sena Cristuhu wasu'uwẽ zarina si 're ãhâimana za'ra mono zé wasu'u

⁴ Ni'wam norĩ hã asiré 're ã'aihâimana za'ra wa'aba mono norĩ hã ãwasu'uwẽ tô sena zarina si te, u, 're hâimana za'ra, Wamama te te wama 're ã'aroti mono zéb zarina si. ãne hã te wapari wamhã, ma tô ãwasu'u wẽ za'ra hã ãma rowẽ waze. Taha wa, ãtoi uptabi di, ãhãna hã. ⁵ Wasiré ãsazei'wa norĩ, ãma asawi pese za'ra wa'aba norĩ hã, ãne wa za oto aima roti za'ra wa'wa. Uburé wasiré ãsazei'wa norĩ hã, oto 're wasisawi pese za'ra wa'aba mono. ã hã roti hã ãhãna si õ di. Duréihã ãsãna'rata hawimhã, Zezusi wa te 're ãsaze na'rata za'ra mono zém hawi, wama 're ãhâimana u'ãsi za'ra mono, ã hã. ⁶ E niha tawamhã, ãma 're ãwasisawi pese za'ra mono zé hã za. 'Re ãhâimana u'ãsi mono nhimiroti si wa za wa te 're 'madâ'â pese za'ra. ãne ma tô ãsãna'rata hawimhã, ãsimiroti wasu'u hã 're ãwapari za'ra wa'aba mo, ãma 're asisawi pese za'ra wa'aba mono sina ãma 're ãhâimana u'ãsi za'ra wa'aba mono da.

⁷ 'Re ãhâimana u'ãsi mono zadawa wasu'u uptabi 'wa newa, roti tô senai'õ na te te dama 're ãroti za'ra mono norĩ hã ahã uptabi di oto. Daro mono bâ te dawazari 're hâimana za'ra. Zezu Cristu hã, a'uwẽ hãiba na dasiré ãpoto õ na, te ta norĩ hã sô 're simrami za'ra dama, 'Re ãhâimana u'ãsi mono hã Danho'reptui'wa da, te te ãpisudu hã. Ni'wam norĩ hã ta norĩ ne 're hâimana za'ra mono wamhã, te za ãwaihu'u za'ra wa'wa, roti tô senai'õ na te te dama 're ãroti za'ra mono hã. Te za duré ãwaihu'u za'ra

wa'wa, Cristuhu zada 're ĩhâimana za'ra mono na hã. ⁸ Taha wa, roti tô senai'õ na te te dama 're ĩroti za'ra mono norĩ wi, te za 're asi'madâ'â pese za'ra wa'aba mo 'râwi, 're ĩromhuri za'ra wa'aba mono zé wa'â hã 're simini tõ za'ra wa'aba mono da. Uburé marĩ ĩwẽ na 'Re ĩhâimana u'âsi mono, za te te aima ĩwa'âbâ za'ra wa'aba zé hã ubuni na asima 're waibui wa'aba mono da, te za 'râwi 're asi'madâ'â pese za'ra wa'aba mo.

⁹ Ni'wam norĩ hã Cristuhu nhimiroti si te te 're wapari za'ra mono õ wamhã, tinhimirosa'rata na te te ãma 're uzusi za'ra mono wamhã, ta norĩ hã 'Re ĩhâimana u'âsi mono siré 'râwi 're hâimana za'ra mono õ di. Tane nherẽ, ni'wam norĩ hã Cristuhu nhimiroti zarina si 're nomro mono wamhã, ta norĩ si te Wamama siré 're hâimana za'ra 'râwi, ĩ'ra siré zama. ¹⁰ Duré Cristuhu nhimiroti upana te te dama 're ĩroti za'ra mono hã ta norĩ hã atẽme 're sihutu aba mono wamhã, sô 're atob'uzu za'ra wa'aba mono õ di za, asõrõwa u 're sisisi aba mono da. ¹¹ Sô 're atob'uzu za'ra wa'aba mono wamhã, ĩsimiromhuri wasété na te za ĩme 're aiwasété za'ra wa'aba mo, ãma 're sasõmri za'ra wa'aba mono wa.

Zuwãhã nhimi'ui'ére 'rãsutuzé wasu'u

¹² Zahadu marĩ hã ahâ uptabi di, te aima ĩwaihu'u za'ra wa'aba zéb da hã. Tane nherẽ, ãhãna hã te ĩsima wẽ õ di, ĩbaihã na te aima ãma ĩrob'ui'ére za'ra wa'aba da hã. ãma atẽme ĩmorĩ aba da si, wa ĩsima rob'madâ, wasisabu za'ra da. Tawapsi wa za 'râwi wasisadawa 'madâ'â za'ra ni. Tawapsi wasima watoi uptabi za'ra di za oto.

¹³ ãme wasiré ĩsazei'wa norĩ hã te duré ãma asawi za'ra wa'wa, ai'ra waptéb za'ra wa'aba ne, 're ĩnomro mono norĩ hã, 'Re ĩhâimana u'âsi mono, tinhib'a'uwẽ da, te te ĩpisutu za'ra norĩ hã.

'Re ãhãimana u'ãsi mono zadawa wasu'u
New Testament in Xavãnte (BR:xav:Xavãnte)

copyright © 2004 Wycliffe Bible Translators, Inc.

Language: Xavãnte

Translation by: Wycliffe Bible Translators, Inc.

Xavãnte [xav], Brazil

Copyright Information

© 2004, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 1882536746

The New Testament

in Xavãnte

© 2004, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

744f0b3a-210f-53c7-b3a1-39b62617ba0c